

اعتصام

اعتصام خادم اولور دینزه، شرع مبینہ ﴿اعتصام اتمہ بن بویلہ کوزل جبل حنینہ﴾
 «ادیب عینتابی»

۳ نیسان
 ۱۳۳۵ سنه

{ منافع عامہ بہ خادم مجموعہ اسلامیہ در }

۲ رجب
 ۱۳۳۷ سنه

بر جرأت جاہلانہ و بر رجعت مستفقرانہ
 احمد شیرانی
 «لوی بوختر» ک مادہ و قوت نظریہ سنی رد...
 ادیب عینتابی
 مشرکک و مسلمان بقده عبادات
 طاهر المولوی
 بر مسئلہ شرعیہ مناسبتیلہ
 مصطفیٰ عاصم
 ملتر لایق اولدقلری حکومتلره صاحب اولورلر
 علی رضا
 بر افول
 عبدالرحمن سری
 بکپازاری اشرافتک مقام مشیختہ تشکراتی

رجعت اولندی ایسه اوده نیت هنوز باقی اولدیغندن بو جرأتکار محرک بالاده کی سوزلرینی اساس اتخاد ایدرک ذهناً و فکر آده رجعت مستغفرانده بولمالری لزومه دائر مطالعات و ملاحظاتی ایکنجی بر مقاله ایله بیلدیرمکچر .

احمد شیرانی



لونی « بوخهر » ك ماده وقوت نظریه سنی رد

و

اللهك وارلغنی وبرلكنی اثبات

جناب حق سورة بقره ده : « یا ایها الناس اعبدوا » بویوریور . بو آیت جلیله ده انسانلری ذات الوهیت عبادتله مکلف بیوریور . عبادت ، معبودی بیلیمکه موقوف اولوب معبودی بیلیمک ایسه هر کسجه ضروری و بدیهی دکل نظری واستدلالی بولندیغندن آیت کریمه ده طریق استدلال بیان بیوریلور .

اجالا معنای منافی : « ای انسانلر سزی و سزدن اول کللری خلق ایدن ربکزه — زمره متقینه التحاقکیز رجاسیله — عبادت ایدیکز . او « الله » که ارضی کروی اولقله برابر صلابت و لیت آرمه سندمه متوسط و فراش کبی اوزرنده قعود و نومه ، زرع و حفره و هر درلو انتفاعه صالح قیلدی . سمانی ده اوزربکزه قورولاش قبه شکلنده تنظیم بیوردی . جهت سماویه دن یاغور و قار ازال بیوروب آنک سببیه سزه رزق اوماق اوزره میوملر وجوده کتیردی . « اللهک تعالیه شو احوال منتظمه تحقق ائمه کجکی بیلدیکز حالده الله شریک اتخاد ائمه بیکیز دیمکدر . نظر عبرتله باقبلیرسه شو عالم ، هر محتاج اولدینی شی کندیسنه تمیه ایدلش بر انسانک خانه سی کبیدر . اراضی بساطه ، سماء ، سقف ، نجوم مصباح کبی در ، نباتات و حیوانات مصالحی تأمین ایچوندر . نوع انسان ده متصرف بر مالک مجازیدر . بونظم جلیل جناب بارینک وجود و وحدته دلائل انفسیه و آفاقیه ایله استدلالی حاویدر . آیت اولی

دلیل انفسی و اونی تعقیب ایدن آیت ثانیة ده دلیل آفاقی در . دلیل اولك تقریری : هر كس ، صكره دن موجود اولدیفنی و بعدالعدم موجود اولان شی ، كندی باشنه وجوده كله میوب بر موجوده محتاج بولندیفنی بداهةً بیلیر . او موجود ، كندیسی اولدیفنی کبی ابونی و یا دیگر بر مخلوقده دكلدر . انسان ، بوترکییدن ، بو ایجاددن عاجزدر ، بشقه موجوده احتیاج ضروریدر . او ، موجود ، او مؤثر ؛ فصول ، یا افلاك و نجوم و یا طبایع و یا خود اجسام فلکیه و عنصریه در !

دینیرسه جناب حق آنلر كده بر موجوده محتاج اولدیفته اشاره آیت ثانیة بی انزال بیورمشدر . آیت ثانیة بوكا جواب اولمقله برابر دلیل آفاقی در .

تقریری : اجسام فلکیه و عنصریه مجبول و مبنی و منزل و مخرج اولوب انلرده بر مؤثر ك تحت قدر تشده درلر . هربری او مؤثر ك تعیین ایلدیکی اوضاع و احوال و احیاز و اشكال ایله قائم و آخردن آنسكه متمسزلودر . بمضینك مقدار و اشكال و احیاز مخصوصه ایله امتیازی ؛ جسمیتدن و جسمیتك لوازمندن ایلروكلش اولسه جمله سی جسمیتده مشترك اولدیفتدن كافه سنك مابه الامتیازده اشتراكی و هیچ برینك اخردن ممتاز اولماسی لازمكلیر . ایله ایسه جهت اختصاص و امتیاز بر امر مفصلدن ناشی اولق ایجاب ایدر ، او امرده جسم آخر اولسه ، او جسم آخرده عین حالده بر جسم اولدیفتدن اجسام آرمسندن نه کبی بر تأثیر ایله اختصاص و امتیاز ایتمشدر سؤالی عیناً عودت ایدر . او مؤثر ، جسم و جسمانی اولمدقدن صكره یا موجب اولور و یا مخنار اولور . شق اول باطلدر چونكه فاعل موجب ، آثار مختلفیه مبدأ اوله میه جفتدن بعض اجسامك ، بعض صفات ایله اختصاصی ، عكسندن اولی اوله میوب ترجیح بلا مرجح لازمكلور . شو حالده شق ثانی تعیین ایدر كه موجوداتك جسم و جسمانی اولیان بر فاعل مختاری بولندیفنی ، تحقیق ایدر ، بوده الهیدر .

مادیون مذهبته سالك اولان ، لوی بوخنر ، قوت و ماده عنوانلی رساله سنده آتوم یعنی ماده و جزء لایجزانك و خاصه لازمه سی بولنان قوتك بر بردن آبریه - میه جفتی و هر برینك لایعوت اولدیفنی یعنی ظیامحو و فنایه کیتمه به جکفی و حکمت طبیعیه ده بیان اولنان نقلت ، حرارت ، ضیا کبی قوتلر ك ، بر طاقم ماده لره قطعاً

مربوط اوله رق کائناتی تشکیل ایلدیکنی ، کائناتک بشقه بر صانع محتاج اولمادیغنی ، عالم ، قوانین طبیعیه نك اثری و نتیجه سی اولدیغنی بیان ایدیور ! . بز آتوملرک لایموت اولدیغنی و حوادثک یکدیگره ارتباطی ، تسلیم ایتسه ک بیله کائناتک علل مؤثره و عناصر مرکبه سی ظن اولان قوتلرک حادث اولوب بر مؤثره احتیاجنی و تسلسلک بطلانیله ده سلسله کائناته تغیردن منزله بر مؤثر لازم اولدیغنی و طبیعتک مقتضاسی تخلف ایدمه جهکندن وجود کائناتک طبیعتده اسناد ایدله میه جکنی و طبیعت واحده ، آثار مختلفه به منشأ اوله میه جغنی بیان ایله دعواسی رد ایدرز .

زرع ایدیلن بر دانه نك رطوبت ارضیه سببیله اعلاسنندن دال؛ بوداقلرک ، اسفلندن عروق کثیره نك خروجی ، رنگ و طعمده مختلف میوه لرک ظهوری ، بر حکیم قادرك بر فاعل مختارک تدبیریله اولدیغنی کیم انکار ایدمه بیلیر ؟ ،

برک در ختان سبز در نظر هوشیار

هر ورقی دفترست معرفت کردکار

دیمکدن کندیغنی کیم آله بیلیر ؟ نه چاره که ،

شاهد ایکن سکا اشیا هر نه وار

بو عجبدر کیم اولوبدر پرده دار

بیاتی موجبینجه الهامک وارلغنه دلالت ایدن اشیا . چشم بصیرتمزده الهامی معرفتمزده پرده و حائل اولیور .

خلاصه جناب بارینک وجودنه آفاق و انفس ایله استدلال هر طبع سلیمده مرکوزدر . بدوی بر اصرابی ؛ بهر ، بهر ، آفاق ایزلری سیره دلالت ایدرده بروج صاحبی اولان سما و دره ، تپه صاحبی اولان ارض ، لطیف ، وجیز اولان خالقنه دلالت ایتمازی ؟ دیور

البته اثر ، مؤثره محتاج وا کا دلیل اولور . مغروس اولان بر باغ و باغچه بی کورهن ، بو اشجار و نباتاتی کیم دیکدی ، کیم ا کدی دیمکدن نفسنی منع ایدمه من . جعفر صادق ، معرفت اله بنقض العزائم و فسخ الهمم . یعنی جناب حق عزیمت لرک نقضی وهم و قصد لرک فسخیله بیلدم دیمشدر . یعنی دواعی بولندینی ایچون برشیی *

عزم و قصد ایلرز . بعده تقضی ایجاب ایدن بر سبب بولونمادقدن بشقه ، عدم تقضیه عائد دواعی وار ایکن او قصد زائل اولور . بزم عزم ایتدیکنزک خلافی اراده ایدن و حکمی نافذ و غالب اولان بر ناقض اولسه دواعینک وجودی حالنده اوقصد زائل اولماز ایدی . بوندن بیلیرز که بر موجود قادر وار که جمله غالب واراده ایلدیکنی ایجاهه قادر در . او موجود ، شیطان دکلدر . زیرا شیطانک ایشی مجرد و سوسه در ، عزیمتی نقض ایده ماز ، بلکه بعضاً ایکنجی عزم و قصد ، منقرض اولان عزم و قصددن خیرلی چیقار ، شیطان ایسه خیری اراده ایماز .

امام اعظم حضرتلری مسجندنه یالکیز عبادتله مشغول ایکن علیهنده اولان دهر یه دن بر جاعت اوزرینه هجوم ایله قتانی قصد ایتدکلرنده بیورمشکه شو مشکلی حل ایدیکنزده صکره نه ایسترسه کز پاییکز ا . برسقینه آغریوکلر ایله طولدریش ، هر طرفدن هبوب ایدن مختلف یلر و تلاطم ایدن موجهلر آره سنده قاپودان و طائفه سی اولمادینی حالده کز ایچنده کندی کندی استقامت لازمه یه متوجهاً کیتدیکنی بر آدم سویله یور ، بوکانه دیرسکز ؟ : آفلر ، هقل بونی قبول ایماز دینجه . برسقینه قاپودان و طائفه سر جریان ایمازسه احوال و اعمالنک تغایر و اختلافیه ، اطراف و کنافنک تباعد و تباینیه بو عالم ، خالق سر و حافظ سر فصل موجود و قائم اولور ؟ : بیورمش ، اولرده انصاف ایدوب سوء اعتقاددن رجوع ایتشلردر .

بودلائل ایله وجود باری ثابت اولنجه جناب حنک آیت ثانیه بیوردینی کی مشهودیمز اولان شواحوال منظمه نک ثبات و دواعی ده تعدده مانع اولور . چونکه تعدده صورتده تمناع و اختلافلری یعنی برینک اراده ایلدیکی شینک ضدینی آخرک اراده ایتسی ممکندر .

بوصورتده هرایکینک حصوله کله سی ، محال اولان جمع ضدینی ایجاب اید . چکی کبی برینک مرادی حصوله کلدیکی تقدیرده دخی الوهیته منافی اولان عبجز لازم کله چکنندن اللّٰه برلکی ضروره ثابت اولور .

مدرس ادیب عینتانی